

17.fundur sveitarstjórnar Fljótshrepps, Végarði, 01.09 2015, kl. 13.30

Mættir eru : Anna Jóna Árnarsdóttir, Eiríkur Kjerúlf, Gunnþórunn Ingólfssdóttir, Þorvarður Ingimarsson og Anna Bryndís Tryggvadóttir 3. varamaður, er mætt í forföllum Lárusar Heiðarssonar.

Oddviti setti fund kl. 13.45 og gengið var til dagskrár.

Dagskrá:

1. Skýrsla oddvita

2. Þjóðarsáttmáli um læsi

3. Viðarafurðastöð

4. SSA

a) Skýrsla stjórnar starfsárið 2013-2014

b) Ályktanir til aðalfundar

c) Bókun stjórnar SSA á fundi 23-24.08 , um að vísa verkefni um meðferð heimilisofbeldis til sveitarstjórna, bókun félagsmálanefndar 29.06 , sama efnis.

5. Garnaveikibólusetning , áskorun BSA um styrkveitingar sveitarfélaga

6. Innheimtuþjónusta

7. Hallormsstaðaskóli

a) Álit lögmanns Fljótshrepps varðandi slitasamning

b) Tilboð í skólamannvirki

8. Bréf

a) Umhverfisstofnun dags. 13.08

b) Umhverfisstofnun dags. 17.08

c) Afrit af bréfi Umhverfis-og Auðlindaráðuneytis dags. 19.08

d) Mennta –og Menningarmálaráðuneytið dags. 18.08

9. Fjárbeiðnir

Benedikt V Warén, Flugsaga Austurlands

10. Fundargerðir

a) Fjallskilanevnd Fljótshrepps 25.08 , ásamt gangnaseðli

b) Samgöngunefnd SSA 18.08

c) Minnisblað frá fundi um útboðs-og verklýsingu fyrir sorphirðu á Héraði og Seyðisfirði 19.08

11. Önnur mál

1. Þegar ákveðið var að hætta grunn- og leikskólarekstri á Hallormsstað, samdi Fljótsdalshreppur við Fljótsdalshérað um þjónustu fyrir börn úr Fljótsdal. 4 nemendur á grunnskólaaldri úr Fljótsdal stunda nú nám í Egilsstaðaskóla og er ekið þangað daglega. Ekkert barn á leikskólaaldri er í sveitarfélaginu, eins og nú háttar.

2 íbúðir á Fjósakambi, Hallormsstað, í sameiginlegri eigu Fljótsdalshrepps og Fljótsdalshéraðs hafa verið seldar leigjendum íbúðanna. Unnið er að ýmsum málum er varða slit samstarfssamnings um skólarekstur og sameiginlegar eignir sveitarfélaganna á Hallormsstað.

Með aðstoð sjálfboðaliða frá Seeds og undir verkstjórn fólks frá Umhverfisstofnun er unnið að lagfæringum á stíg að Hengifossi. Hópurinn verður að störfum fram í miðja þessa viku. Stígurinn er illa farinn og að þessu sinni verður aðeins hægt að lagfæra hluta stígsins.

Samkvæmt niðurstöðu á sýnatöku HAUST á neysluvatni í Laugarfellsskála eru gerðar athugasemdir við hátt pH gildi vatnsins og að hitastig var hátt við sýnatöku. Hvatt er til þess að láta renna vel úr öllum krönum og boðuð endurtekin sýnataka.

Fljótsdalsdagur Ormsteitis var sunnudagurinn 23. ágúst sl. Fjölbreytt dagskrá var í boði og voru viðburðir í Laugarfelli, Fljótsdalsstöð, Snæfellsstofu, Óbyggðasetri og á Skriðuklaustri þar sem um 250- 300 manns mættu.

Tilkynnt hefur verið um sameiningu Myndsmiðjunnar ehf og Rafteymis ehf, á Egilsstöðum. Sameinað fyrirtæki mun starfa undir nafni Myndsmiðjunnar ehf og síðar meir mun nafnið breytast í MRT ehf. Markmið sameiningar er sagt til að auka hagkvæmni í rekstri og bæta þjónustu við viðskiptavinum.

Oddviti var í sumarleyfi 17.- 24. ágúst og annaðist Lárus varaoddviti afleysingu og viðveru á skrifstofu í Végarði. Fyrirhugað er að hafa sama háttinn á með afleysingu 7.-14. september.

Auglýst hefur verið eftir umsóknum um styrki úr Verkefna-og rannsóknarsjóði Fljótsdalshrepps og Landsbankans. Umsóknarfrestur er til 18.september.

Í síðustu viku var mokað var upp úr sundurdráttardilk Melarréttar, rennu og einum bæjardilk. Framkvæmdir voru á svipaðan máta og á síðasta ári þegar mokað var upp úr nokkrum dilkum. Þegar dilkarnir eru dýpkaðir minnkar hætta á að fé stökkvi á vegg réttarinnar.

2. **Þjóðarsáttmáli um læsi.** Sveitarfélagið gerðist aðili að samningi við ríkið um „Þjóðarsáttmála um læsi“.
3. **Viðarafurðastöð.** Borist hafa skýrslur sem unnar hafa verið fyrir verkefnið og fyrirhugað er að halda kynningarfund í nóvember.
4. **SSA**
 - a) Skýrsla stjórnar starfsárið 2013-2014. Kynnt.
 - b) Ályktanir til aðalfundar. Kynnt.
 - c) Bókun stjórnar SSA á fundi 23-24.08, um að vísa verkefni um meðferð heimilisofbeldis til sveitarstjórna, bókun félagsmálanefndar 29.06, sama efnis. Kynnt og frestað að taka afstöðu.

5. **Garnaveikibólusetning , áskorun BSA um styrkveitingar sveitarfélaga.** Samþykkt að styrkja bændur í sveitarfélaginu um kr 268- per kind vegna garnaveikibólusetningar, sem fram fór sl haust.
6. **Innheimtuþjónusta.** Frestað að taka afstöðu til tilboðs um innheimtuþjónustu frá Inkassó. Athugað á næsta fundi.

7. **Hallormsstaðaskóli.**

- a) Álit lögmanns Fljótsdalshrepps varðandi slitasamning. Einnig liggja fyrir athugasemdir frá Jóni Jónssyni lögmanni, við álit Kristins Bjarnasonar. Kynnt.
- Varðandi fram komnar hugmyndir um slit á samningi um Hallormsstaðaskóla telur sveitarstjórn rétt að fulltrúar sveitarfélaganna hittist á fundi til þess að leiða það til niðurstöðu.
- b) Tilboð í skólamannvirki. Fyrirliggjandi tilboð kynnt. Sveitarstjórn samþykkir f.h Fljótsdalsdalshrepps, að gerður verði kaupsamningur við 701 hotels ehf. á grundvelli gagntilboðs sem dagsett er 26. ágúst 2015 og tekur til eftirtalinnna eigna: Kennsluhúsnæðis, heimavistar, mötuneytisaðstöðu, íþróttahúss og sundlaugar, auk eignarhluta Fljótsdalshrepps og Fljótsdalshéraðs ,í tveimur íbúðum í skólahúsnæðinu, samtals 25% hlut í hvorri íbúð.
- Tilboðsfjárhæðin nemur 105.000.000 kr. og greiðist hún með tveimur greiðslum. Við undirritun kaupsamnings kr. 31.000.000 og þann 1.10.2016 kr. 74.000.000. Áætlaður afhendingardagur eignanna er 1. nóvember 2015.
- c) Kynnt var fundargerð starfshóps um Hallormsstaðaskóla 31.08. Gerð er athugasemd við að fjármunum foreldrafélags og ferðasjóðs nemenda við skólann hafi verið ráðstafað án heimildar, ef bókun i fundargerð á við um þá sjóði. Í fundargerðinni kemur fram að sjóðum Hallormsstaðaskóla hafi verið ráðstafað og reikningum lokað.
- d) Kynntur var eignalisti og verðmat á lausamunum Hallormsstaðaskóla. Sveitarstjórn fellst á að Fljótsdalshérað leysi til sín lausabúnað skólans, á grundvelli framkomins verðmats og skiptihlutfalls. Skipting á eignarhlut í lausamunum ,byggir á kostnaðarhlutdeild sveitarfélaganna á rekstri skólans á undangengnum árum.

8. **Bréf**

- a) Umhverfisstofnun dags. 13.08. Kynnt. Varðar magntölur úrgangs og skýrsluskil til UST
- b) Umhverfisstofnun dags. 17.08. Kynnt. Varðar viðauka við samning um refaveiðar.
- c) Afrit af bréfi Umhverfis-og Auðlindaráðuneytis dags. 19.08. Skipun í svæðisráð Vatnajökulsþjóðgarðs á austursvæði, rekstrarsvæði 2. Kynnt.
- d) Mennta –og Menningarmálaráðuneytið dags. 18.08. Varðar upplýsingaskyldu sveitarfélaga.

9. **Fjárbeiðnir**

Benedikt V Warén, Flugsaga Austurlands. Hafnað, erindið áður verið styrkt.

10. **Fundargerðir.**

- a) Fjallskilanevnd Fljótsdalshrepps 25.08 , ásamt gangnaseðli. Sveitarstjórn samþykkir beiðni fjallskilanevndar um smölun á Hraunum, allt að sex dagsverk. Rétttað verður í Mèlarétt 19. sept kl 13.00.
- b) Samgöngunefnd SSA 18.08. Kynnt.
- c) Minnisblað frá fundi um útboðs-og verklýsingu fyrir sorphirðu á Héraði og Seyðisfirði 19.08. Kynnt.

11. Önnur mál.

- a) Vakin var athygli á fækkun hreindýra á Fljótsdalsheiði og rætt var um ástæður þess.
- b) Fjármálaráðstefna sveitarfélaganna hefur verið boðuð 24.-25. september. Skráningu líkur 21.sept.
- c) ÚÍA þakkar veittan stuðning við Tour de Ormurinn 2015 og afhendir sveitarfélaginu mynd sem tekin var í viðburðinum.
- d) Með bréfi ÚÍA dags. 1. sept. er óskað eftir 50.000,- kr.styrk frá Fljótsdalshreppi til ferðar 15 manna hóps til Ungverjalands 7.-16. september. Samþykkt.
- e) Kynnt bréf frá Vegagerðinni dags. 28. ágúst. Varðar ósk Fljótsdalshrepps um endurbætur á gatnamótum Norðurdalsvegar, neðan Fljótsdalsstöðvar. Vegagerðin tekur undir að þörf er á lagfæringum og hyggur á framkvæmdir á næstunni.

Fleira ekki gert og fundi slitið kl. 18.00

Þorvarður ritaði fundargerð í tölvu.

Gunnþórunn Ingólfsdóttir (sign)

Eiríkur J. Kjerúlf (sign)

Anna Bryndís Tryggvadóttir (sign)

Anna Jóna Árnarsdóttir (sign)

Þorvarður Ingimarsson (sign)